

Illyricus et Onuphrius præter cæteros laudant. Is enim cum senatusconsultum, et plebiscitum in imperii translatione omnino habere vellet, et tamen non auderet contra fidem omnium veterum id asserere, tacitum senatusconsultum, et plebiscitum factum fuisse scribit, et primas partes ejus actionis Pontifici Romano attribuit. Sic enim loquitur lib. iv. Annalium Boiorum : « Pontifex, senatus, populusque Romanus imperium transferre jure suo in Germanos, Carolumque tacito senatusconsulto, plebiscitoque decernunt ». Nimirum sic interpretari voluit hic auctor acclamationem populi Romani, Carolo a Pontifice coronato. De qua veteres loquuntur, ut videlicet illa acclamatio quoddam veluti plebiscitum fuisse videretur. Sed de his satis. Nam neque adversarius (ut supra diximus) hunc imperii titulum agnoscit.

## CAPUT XI.

*Non devenisse ad Germanos imperium donatione Græcorum.*

Restat postremus titulus, principis Orientalis donatio, sive communicatio, quem titulum Illyricus non solum agnoscit, sed etiam pro viribus defendere nititur. Tot vero fraudibus et mendaciis in hac una re expli-canda utitur, ut mirum sit, si non ipse sibi apud sanos lectores existimationem, fidemque detraxerit.

Nobis autem ad hunc titulum explodendum duplex via, eaque expeditissima, sese offert. Primum enim historici tum veteres, tum recentiores scribunt, Græcos imperatores, cum primum ad eos fama perlata est coronationis Caroli, vehementer commotos atque indignatos fuisse. Quod sane argumentum est evidens, imperium Carolo non esse Græcorum donatione tributum. Sed verba historicorum audiamus. Eginarthus, Caroli Magni (ut supra diximus) cancellarius, in vita ejusdem Caroli, postea quam exposuit coronationem, ita subiect : Invidiam suscepti nominis, Constantinopolitanis imperatoribus super hoc indignantibus, magna tulit patientia, vicitque eorum contumaciam magnanimitate, qua eis procul dubio longe præstantior erat, mittendo ad eos crebras legationes, et in epistolis fratres eos appellando. Sigerbertus in Chronicō anni 803. et Conradus Abbas Urspergensis in Chronicō, ubi refert compendio res gestas Caroli, iis-

dem fere verbis indignationem imperatorum Græcorum describunt. Quos secutus Albertus Krantz lib. ii. Saxonie cap. 8. ita seripsit : Invidiam suscepti nominis, Constantinopolitanis imperatoribus non dissimilantibus magna superavit pecunia : vicitque eorum contumaciam magnanimitate, qua Græculis multum praestabat.

Deinde ex historiis constat Græcos imperatores agnovisse tandem vel invitatos imperium Caroli, sed non antequam iis a Pontifice imperator appellatus et augustali dia-demate insignitus est. Ut non nisi impudenter mendacio Illyricus scribere potuerit pag. 48 et 52. multis annis ante Caroli corona-tionem concessum eidem Carolo fuisse imperium Occidentis ab imperatore Græco.

Exstant annales Francorum accuratissimi, ipso Caroli tempore conscripti. In his anno Domini 798. ponitur prima legatio Irenes imperatricis ad Carolum nondum imperatorem, qua legatione non imperii com-municatio tractata est, sed restitutio capti-vorum. Deinde anno 801. adscribitur Caroli coronatio Rome facta a Pontifice Leone. Tum anno 802. qui fuit ultimus Irenes, nar-ratur alia legatio ejusdem Irenes ad Caro-lum imperatorem, pro pace inter Græcos et Francos impetranda. Sed neque in ea legatione ulla mentio communicationis imperii facta est. Anno 803. describitur legatio Ni-cephori imperatoris, qui Irene successerat, ad eumdem Carolum pro impetranda pace ; de imperii communicatione nulla mentio. Pacem enim optabant Græci a rege Francorum potentissimo, sed nondum (quod ex veteribus colligatur) Carolum salutare imperatorem et augustum dignabantur. Anno 812. qui fuit ultimus Nicephori, com-memoratur legatio Michaelis, qui successerat Nicephoro, ad eumdem Carolum, et tum de-mum scribit auctor Annalium, a legatis Græci imperatoris Carolum Magnum, cum jam annos 12. imperaret, imperatorem et augustum salutatum. Denique anno 814. scribit auctor obitum Caroli, quem annis 14. in imperio fuisse testatur, ac proinde non numerat annos imperii a consensu Græcorum, sed a coronatione, quam a Leone Pontifice Romæ suscepserat. Consentunt his annali-bus omnes historici graviores, Aimoinus lib. iv. cap. 90 et 91. Paulus Diaconus lib. xxiii rerum Roman. Ado Viennensis in Chronicō 6. ælalte, Regino Prumiensis lib. ii. Chronic. Otho Frisingensis lib. v. cap. 31.

et sequentibus, Cedrenus in compendio historiarum, Zonaras in annalibus, Abbas Urspergensis, Hermannus Contractus, et Sigerbertus in Chronicō, Blondus lib. i. Deca-dis 2. Platina in vita Leonis III et (quod magis est admirandum) Illyricus Cent. 9. cap. 16. col. 621.

Videamus nunc quid Illyricus in lib. de translatione imperii adversus hanc notissi-mam, certissimamque historiam, adversus scripta sua priora, et (ni fallor) etiam ad-versus propriam mentem et conscientiam adferat : « Habuit (inquit pag. 47.) Carolus Magnus imperiale dignitatem concessione, ac consensu Constantinopolitanorum imperatorum, quod aliquanto clarius ordineque deinceps exponam ». Nec nos diffitemur, consensisse tandem Græcos in imperium Ca-roli, sed invitatos ; et, ut tu ipse loco notato in centuriis dicis, quod mutare non possent, quod a Leone Pontifice jam factum erat. Sed perge, et expone quod proposuisti. « Platina, ut homo Italus, et Papis suis addictissimus, studio rem totam obscurat : ac cum narrasset, Romæ Carolum, acclamante ei populo (ut imperatori) a Leone coronatum esse, mox addit hæc verba : Interea vero Constantinopolitana imperatrix, missis in Ita-liam legatis, cum Carolo fedus et pacem iniit, imperiumque hisce terminis divisit etc., quibus verbis ostendit quidem imperatricem procul dubio de consensu imperialis senatus Carolo Magno concessisse Occidentale impe-rium, et haud dubie etiam nomen ipsum cum re, sicut omnes alii historici scribunt ; sed tamen non vult clare dicere, an antea Papa populusque eum coronaverint, aut vero im-peratrix illi eam dignitatem, et potentiam concesserit ».

At certe Platina satis clare expressit, post peractam Caroli coronationem, legatos de pace ab Irene ad Carolum venisse. Sed fac Platianam ut Italicum, et Papis addictum, rem obscurasse : quid respondēbis ad annales Francorum, ad tot historicos supra citatos, Græcos, Germanos, Gallos, ad te ip-sum denique ? certe illi nec Italici erant, nec Papis addictissimi ; et tamen coronationem Caroli antea factam, quam legati de pace ab Irene mitterentur, clarissime docuerunt.

Quod autem addis, omnes historicos testari, nomen imperatorum cum ipsa re, quæ tanto nomini respondet, Carolo ab Irene con-cessum, mendacium est apertissimum : Nullum enim historicorum reperi potui (evolvi-

autem plurimos), qui id ullo verbo significa-ret quod tu dicas ; quin potius annales Francorum, Ado Viennensis, et Regino Pru-miensis in Chronicis anno 812. tanquam rem novam et insolitam referunt, quod legati Michaelis, qui tertius fuit ab Irene, laudes imperatorias Carolo dixerint, eumque impe-ratorem et Basileum appellaverint. Perge. « Verum quod antea imperatrix id fecerit quam Papa, vel populus, inde liquidissime appareat, quia, teste Mattheo Palmerio Flo-rentino, et Martino Polono, antea est Irene imperatoria dignitate spoliata per Nicephorūm, quam Papa Leo, populusque eam actionem cum Carolo Romæ habuit. Sunt vero isti duo vel diligentissimi supputatores tem-porum ». Et hic, ni fallor, contra conscientiam loqueris.

Nam in primis, qua fronte audes Marti-num Polonum diligentissimum temporum supputatorem appellare, quem constat omnium fere historicorum fuisse negligentissi-mum ? Ac ne longius abeamus, in descrip-tione annorum Irenes, Nicephori, Michaelis et Caroli imperatorum, que omnia vix duas paginas explet, sex commisit errores. Pri-mum Irenem solam tribus annis imperasse dicit. At Paulus Diaconus, qui Irenes tem-pore vixit lib. xxiii. rerum Romanarum, quinque annos, et aliquot menses illi tribuit, et singulorum annorum acta describit. Idem facit auctor Annalium Francorum, qui Pauli Diaconi æqualis fuit. Idem Cedrenus, Græ-eus auctor, in compendio historiarum. Idem ali veteres, et ex recentioribus Onuphrius lib. ii. de principibus Romanis Irenæ soli tribuit annos quinque, menses undecim, dies. 47. Deinde Nicephorum, qui Irenæ successit, Martinus Polonus solum mensibus novem imperasse scribit. At Paulus Diaconus, Cedrenus, Annales Francorum, et omnes alii veteres, octo annos, et eo amplius Nicephoro tribuunt : Onuphrius lib. ii. de principibus Romanis annos octo, menses octo, dies 26. et ne putetur esse librariorum error in numero ; quid singulis annis Nice-phorus egerit, Paulus Diaconus et Cedrenus diligenter perscripserunt. Tertio Michaelis imperium constituit Martinus Polonus anno 800. contra omnium aliorum historicorum tum veterum, tum recentiorum fidem. Quarto Caroli Magni initium ponit anno 802. neque errore librariorum id factum existi-mari debet. Siquidem eodem in loco Caro-lum imperasse dicit annis 44. mense uno,

et diebus quatuor, ac deinde consequenter initium Ludovici, qui Carolo successit, ponit anno 816. At Carolum imperare cœpisse primo die anni 801. si a Natali Domini initium anni sumatur, vel octo diebus ante exitum anni 800, si exordium anni ducatur a kalendis Januarii; tot, et tam graves auctores scribunt, ut mirum sit Martinum Polonum vigilasse, ista cum scribebat. Vide testimonia quæ supra citavimus cap. 4. Quinto idem Martinus ibidem Leonem III, qui Carolum coronavit, quartum appellat, contra ceteros omnes historicos, eique tribuit aedificationem urbis Leoninæ; quam tamen constabat ab alio Leone esse factam, quem alii omnes quartum, ipse vero quintum vocat. Sexto in eadem pagina idem Martinus scribit anno 814. Stephanum Papam IV venisse in Gallias, et honorifice susceptum a Ludovico imperatore. At si Ludovicus imperare cœpit anno 816. ut paulo post idem Martinus docet: quomodo potuit anno 814. imperator Ludovicus Stephanum Pontificem ad se venientem suscipere? Itaque Martinus Polonus, diligentissimus scilicet suppator annorum; tam Pontificum quam Cæsarum annos ut plurimum perperam disponit.

Quod vero idem Illyricus ait, ex Matthæo Palmerio liquidissime apparere, Irene ante imperio spoliata fuisse, quam Pontifex Leo Carolum coronaverit, liquidissimum quoque mendacium est. Palmerius enim in additione ad Chronicum Eusebii, tametsi in eo labitur, quod Irene post filii excaecationem solum quatuor annos tribuit, cum Paulus Diaconus, Annales Francorum, et Cedrenus quinque annos, et aliquot menses illi tribuant, tamen ipse idem coronationem Caroli ponit anno 801. et initium imperii Nicephori anno 802. constat autem ex Cedreno, et Paulo Diacono, eadem die Nicephorum imperare cœpisse, qua Irene se abdicare imperio coacta est. Ex quo intelligimus Palmerium non solum quatuor annos integros, sed etiam aliquot menses Irene tribuendos existimasse, licet solum perfectum numerum expresserit. Proinde ex Palmerii sententia posterius Irene imperio spoliata, quam Carolus fuerit coronatus.

Sed audiamus jam cætera. « Testatur quoque Platina, Nicephorum imperatorem, oppressorem, aut successorem Irene, mox initio foedus Irene de imperii divisione cum Carolo renovasse: ut hæc quoque fuerit confirmatio imperii Occidentalis a Constantinopo-

litani Carolo facta. Porro Nicephorus hunc imperatorem collocat Martinus Polonus Pœnitentiarius Papæ, et Archiepiscopus Consentinus, in annum Domini 799. omnino eum clarissime preponit illi Romanæ coronationi Caroli, sicut et Sebastianus Francus, quin et Jacobus Philippus Bergomensis ». De Martino Polono jam ante respondimus, eum in manifesto errore versari, cum imperium Nicephori refert ad annum Domini 799. quod ad annum 802. referre debuisse. Sebastianum Francum non vidi; nec multum labore quid ille dixerit, cum auctor fuerit admodum recens, et a Catholica Religione alienus.

Jacobum Philippum Bergensem more tuo fraudulenter citas. Ille enim etsi lib. xi. supplementi commemoaret divisionem imperii inter Carolum et Irene, antequam narrat ejusdem Caroli coronationem Romæ factam, tamen id facit per anticipationem, ut expeditat ea quæ ad Græcorum imperium pertinent. Nam postea loco suo ad ordinem temporum rediens, disertis verbis docet imperium a Græcis ad Francos translatum fuisse Pontificis auctoritate anno Domini 800. exeunte, ut etiam supra citavimus in 4. cap.

« Præponit quoque (addit Illyricus) Martinus Michaeli imperatorem eidem coronationi, qui ibidem illud foedus renovavit cum Carolo. Denique et Chronicum D. D. Achillis Gassari initium principatus Nicephori ponit in annum 798. facta vero est illa renovatio concessi Imperii a Nicephoro mox initio sui imperii. Quare ex hisce licet colligere ut minimum tres donationes aut concessiones imperii per Constantinopolitanos imperatores factas ante illam Romanam actionem nempe Irene, Nicephori, et Michaelis, vel certe illas duas priores ».

Colligebat olim Virgilius aurum ex Enni stercore: at noster Illyricus (ut video) ex historicorum auro stercus colligit. Nam cum veteres, ac probati historici, et illi ipsi, qui tempore Caroli Magni vixerunt, tam perspicue tradant, anno quinto Irene. Carolum Magnum a Pontifice Maximo coronatum, ac deinde post eam coronationem, Irene successisse Nicephorum, et Nicephoro Michaeli, quis non intelligit errasse Martinum Polonum, et, qui eum secuti sunt, recentiores historicos, qui sine ulla ratione ex sola imperitia veteribus contradicunt? Quanta autem impudentia est, ejusmodi errores tam diligenter consecutari, et demum in ob-

scuris auctoribus vix repertos ita proponere, ac si nihil verius litteris mandari potuisset? et tamen pergit Illyricus, atque ait: « Ex hisce etiam licet colligere, temere, vel potius fraudulenter a Sabellico concessionem imperii ab Irene post factam coronationem Leonis Papæ poni. Redarguitur enim manifeste ratione temporum. Plerique sane omnes Irene aiunt postremo ab imperio depositam esse ante illam actionem Romanam, aliqui autem eodem anno. Igitur oportet translationem imperii antea in Carolum factam esse a Constantinopolitanis quam a Romanis ».

At si temere vel fraudulenter Sabellicus anteposuit Caroli coronationem Irene's abdicationi, num etiam Paulus Diaconus, Annales Francorum, Cedrenus, Zonaras, Ado, Rhegino, Otho, Conradus, Sigebertus, et alii veteres, temere vel fraudulenter id egerunt? Certe Sabellicus veteres historicos sectus est. Et quinam sunt, Illyrice, illi plerique omnes, qui Irene aiunt postremo ab imperio depositam esse ante illam actionem Romanam? Nimurum Martinus Polonus, qui unus est instar omnium. An non te pudet tam aperte mentiri? sed perge.

« Porro illam translationem de pace imperioque inter Irene et Carolum factam, collocant Ado Viennensis, et Annales Caroli in annum Domini 798. Præponunt igitur eam ut minimum integro quadriennio coronationi Leoninæ. Paulus quoque Æmilius in sua Francorum historia affirmit seriam sollicitamque actionem et legationem Irene's ad Carolum longe præcessisse illam Romanam coronationem. » Id vero, Illyrice, non est solum audacter mentiri, sed etiam configere oculos heminibus, ut non videant ea quæ clarissime patent. Siquidem Ado Viennensis, et Annales Francorum duas ponunt legationes Irene's ad Carolum, unam pro pace, et restitutione captivorum, ante Caroli coronationem anno 798. alteram pro pace iterum renovanda, post Caroli coronationem, anno 802. et quamvis Platina dicat hac legatione posteriori procuratam esse imperii divisionem, tamen Ado Viennensis, et Annales Francorum nullam imperii mentionem faciunt, nisi multo inferius, ubi describunt legationem Michaelis anno 812. Hæc enim sunt verba Adonis: Anno 798. Irene ad excellentissimum regem Carolum legationem pro pace servanda misit. Et infra, postquam narraverat coronationem Caroli factam anno

801. ita subjungit: Anno 802. Irene imperatrix ad imperatorem Carolum misit pro pace inter Francos et Graecos firmando. Et infra, anno 803. Irene ab imperio deposita est: et Nicephorus imperator Constantinopoli creatus, qui legatos suos, una cum legatis imperatoris Caroli remisit. Nam imperator Carolus Jesse Episcopum Ambianensem, et Elinagandum comitem, Constantinopolim direxerat. Suscepunt autem legati Nicephori imperatoris epistolam inscriptam de foedere pacis, sieque tali pacto Constantinopolim reversi sunt. Denique infra anno 812. In ejus locum Michael gener ejus imperator creatur, cuius legati Aquisgrani ad imperatorem Carolum missi laudes more suo dixerunt, imperatorem, et Basileum illum appellantes. His consentient tum annales Francorum (nam inde hæc omnia Ado Viennensis acceptit) tum etiam Paulus Æmilius in lib. iii. de rebus Francorum, ut quivis per se cognoscere potest.

Novum enim mendacium est, quod paulo post Illyricus addit, cum ait: « Mihi vero verisimile est, mox initio illius instaurati regni Irene esse factam talem transactionem de imperio inter eam et Carolum, quo constabiliter adhuc principio dubium, et inviosum regnum, quod et Æmilius affirmat ». Hoc (inquam) apertum mendacium est, cum Paulus Æmilius non solum non dicat ullam factam esse transactionem de imperio inter Irene et Carolum, sed contra potius asserat invita Irene et Nicephoro Augustis, Carolum a Pontifice magno procerum Romanorum assensu, imperatorem factum. Id illa verba indicant de legatis, quos Irene misit ad Carolum, jam a Pontifice coronatum. Augustæ legati foedus petebant, ægritudine animi interim dissimulata, et illa de Nicephoro: Hactenus Carolum Augustum, magno, patientissimoque animo Nicephori simultatem, invidiamque tulisse.

Sed pergamus ad reliquas nugas Illyrici, ut hunc locum aliquando claudamus: Credibile, inquit Illyricus, tamen profecto valde est, Irene cum filio Constantino multo ante illam dignitatem, et possessionem imperii cum Carolo communicasse». Unde autem id credibile sit, multis verbis conatur ostendere. Sed summa est, quia Carolus de victis Longobardis, jam magna Italiae parte, et ipsa Urbe potiebatur; et Constantinus imperator Constantinopolitanus filiam Caroli in matrimonium sibi dari petierat. « Expen-

dat, inquit, quæso, totum hoc negotium qui-vis intelligens, quomodo potuit Constantinus imperator ambire, aut impetrare filiam Caroli non facta pace? Quomodo autem potuit inter eos fieri pax, non concessa Carolo Occidentali imperio, quod jam fortiter occu-paverat, et firmiter retinebat? Necessario igitur in tali nuptiarum filiae Caroli pactione divisio imperii facta est. » Egregia sane demonstratio, quasi non possit imperator cum rege potentissimo pacem facere, et af-finitatem contrahere, nisi imperialem dignitatem cum eo communicare voluerit. Qua igitur ratione Carolus V imperator cum Francisco rege Francorum pacem fecit, et Leonoram sororem ei in matrimonium collo-cavit, nec tamen eum in imperio collegam accepit? At Carolus Magnus Occidentale imperium armis acquisitum possidebat: nec pacem eum imperatore Constantinopolitano fecisset, nisi ei imperium jam occupatum retinere permissem esset. Verum, non est, ut supra diximus, de possessione provincia-rum imperialium quæstio, sed de titulo, de jure, de nomine, de dignitate, ac majestate augustali tota controversia est. Neque enim inficiamur, Carolum bellica virtute Longo-bardos ex Italia exegisse, eamque provin-ciam suam fecisse, quæ aliquando Romani imperii provincia fuerat. Sed quemadmo-dum hoc tempore reges Francorum, et His-ponorum, Romani imperii provincias tenent, nec tamen sunt Romani imperatores, et im-perator cum eis pacem et affinitatem habet, ita quoque fieri potuit, ut Carolus Magnus aliquot Romani imperii provincias sine no-mine et jure imperatorio teneret, et tamen cum eo imperator Constantinopolitanus pa-cem, atque affinitatem habere cuperet.

## CAPUT XII.

*Romanum Pontificem jure suo imperium a Græcis in Germanos transtulisse.*

Demonstravimus hactenus, Carolum Magnum, quem imperatorem Romanorum fuisse nemo negat, ejusmodi imperium nullo alio titulo adeptum, nisi Pontificis Maximi auctoritate. Nunc quoniam Illyricus inter alia argumenta, quibus efficere ntitur, imperium non pervenisse ad Carolum Magnum Pontificia auctoritate, etiam illud afferit, quod Romanus Pontifex non habeat jus im-peria transferendi. Nos contra Deo juvante,

ad demonstrandum aggrediemur, posse Romanum Pontificem, si causa postulet, id facere, non quidem regia, aut imperatoria, sed apostolica, id est, summa atque eminen-tissima Ecclesiastica potestate.

Pendet autem tota hæc res ex duabus sententiis: altera, Romanum Pontificem to-tius Ecclesie, id est, omnium Christiano-rum Patrem et Pastorem esse; altera, sum-mum Ecclesie totius Pastorem ita non modo privatis hominibus, sed etiam regibus, et imperatoribus Christianis præesse, ut, si causa Christi et Ecclesie id exigat, possit eos regnus, atque imperii exuere, eaque re-gna, et imperia ab aliis ad alios transferre. Nemo est enim qui non intelligat, si hæc duæ sententiae veræ sint, continuo illud etiam effici, ut Romanus Pontifex certis de causis imperia transferre possit.

Priorem sententiam multi ex nostris ac-curatissime, ac fusissime demonstrarunt. Quod etiam nos præstitimus in libris quin-que, quos de Summi Pontificis institutione et potestate scripsimus. Quare hoc loco satis erit, si eam sententiam confirmemus testi-monii imperatorum, atque eorum potissimum, qui Romanæ Sedi infesti fuerunt. Si enim ipsos imperatores, ubi de jure ipsorum agitur, testes habemus, frustra aliorum testimonia desideramus.

Carolus Magnus imperator primus ex gente Francorum non semel primatum Rom. Pontificis agnoscerre se, ac venerari professus est. Exstat privilegium ejusdem Caroli, quod Bremensi Ecclesiæ dedit, apud Albertum Krantz lib. 1. Metropolis cap. 7. in hæc verba: « Summi Pontificis, et uni-versalis Papæ Adriani præcepto, necnon et Monguntinensis episcopi Lullonis, omniumque qui affuere Pontificum consilio, eamdem Bremensem Ecclesiam cum omnibus suis appendiciis, Villehado, probabilis vitæ, coram Deo et sanctis ejus commisimus». Exstant item libri nomine Caroli Magni aduersus synodum Græcorum de cultu imaginum: quos libros etsi ego non esse Caroli Magni arbitror, tamen quia ab adver-sariis Carolo tribui constanter video, sumam etiam inde testimonium. Sic igitur habet li-ber primus cap. 6: « Sicut cæteris discipulis Apostoli, et Apostolis omnibus Petrus emi-net, ita nimirum cæteris sedibus apostolica, et apostolicis Romana eminere dignoscitur. Hæc enim nullis synodis constitutis cæteris Ecclesiis prælata est, sed ipsius Domini au-

ctoritate primatum habet». Denique, ut ex Platina in vita Leonis III et Paulo Emilio lib. iii de rebus gestis Francorum, ac Ja-cobo Vimphelingio in epitome rerum Ger-manicarum cap. 9. cognosci potest, cum ali- quando idem Carolus Rome sententias Epis-coporum, qui ex tota Italia et Francia con-venerant, rogasset de vita et moribus Papæ Leonis, atque ab iis una voce responsum esset, Sedem Apostolicam, omnium Eccle-siarum caput, a nemine judicari debere, continuo acquievit, ac permisit, ut Summus Pontifex Leo solo jurejurando crimen, quod ei falso objiciebat, dilueret.

Otho Magnus, qui primus ex gente Saxo-nica Romani imperii gubernacula rexit, eum-dem primatum Romanæ Ecclesie disertis verbis confessus est in epistola, quam scrip-sit ad Joannem XII Rom. Pontificem, quæ exstat apud Luithprandum Ticinensem lib. vi cap. 9. Hæc enim est inscriptio litterarum: « Summo Pontifici, et universali Papæ Do-mino Joanni, Otho divinæ respectu clemen-tiæ imperator Augustus». Fuit quoque hic Otho Magnus Romanæ Ecclesie ac acer-rimus defensor, ut Jacobus Vimphelingius testatur in Epitome rerum Germanicarum cap. 18. Ut autem omnes intelligent non so-lum imperatores amicos, sed etiam hostes Romanæ Ecclesie, Pontificis primatum agno-visse, subjiciam testimonia omnium fere imperatorum, qui Romanam Ecclesiam ho-stiliter persecuti sunt.

Henricus IV, qui primus ex Germanicis imperatoribus cum Romano Pontifice gra- ves inimicitias gessit, etsi certis de causis Gregorium VII Pontificem oderat, auctoritatem tamen Romanæ Sedis super omnes homines, atque adeo super ipsos reges et imperatores, numquam negavit. Exstat epis-tola ejus ad principes imperii, quam to-tam refert Conradus Abbas Urspergensis in Chronico anni 1106. In epistola hæc haben-tur: « Præterea, inquit, Domino Papæ in præsentia legati sui et vestra obedire parati sumus: et nunc parati sumus ei omnem debitam reverentiam et obedientiam sincero corde, et devotione præstantialiter exhibere». Et infra: « Rogamus vos per auctoritatem Romanæ Ecclesie, cui nos committimus, et honorem regni, ne super nos, et fideles no-stros veniatis». Et infra: « Si interpellatio vestra, nullaque alia interventio ad præsens prodesse poterit, appellamus Romanum Pontificem, et sanctam universalem Roma-

nam Sedem, et Ecclesiam». Hæc ibi. Rursus autem idem Henricus IV in postrema epi-stola ad principes: « Appellavimus, inquit, et tertio appellamus dominum Romanum Pontificem Paschalem, et sanctam, et uni-versalem Sedem, et Romanam Ecclesiam».

Henricus V tametsi non parvo tempore propter Episcoporum investitures Romanam Ecclesiam vexavit et afflixit, ejus tamen pri-matum semper agnovit. Sic enim de eo scribit Abbas Urspergensis in Chronico anni 1110.

« In Epiphania Domini Ratisbonæ Hen-ricus colloquium cum principibus faciens, ani-mi sui propositum eis aperuit, scilicet, quod Transalpinis partibus se exhibere vellet, quatenus et benedictionem imperiale a Summo Pontifice, Romana, quæ caput mundi est, in Urbe perciperet, et latas Italiæ pro-vincias in societatem regni Germanici fra-terna pace, et justitiis ac legibus antiquis componeret, insuper ad omnia quæ defensio posceret ecclesiastica, ad mutum patris Apo-stolici se promptum demonstraret». Et infra in Chronico anni 1117. ubi exposuisset Abbas terrifica signa, quæ de cœlo ostendebantur aduersus impietatem ejusdem Henrici, qui Summum Pontificem captivum facere, atque ab eo per vim extorquere investitures Epis-coporum ausus esset; ita subiungit: « His, et ejusmodi cladibus rex Henricus corde tenus sauciatus, non cessat legationes satisfac-torias ad apostolicam Sedem destinare». Et infra in Chronico anni 1122. pacem inter Calixtum Pontificem et eundem Henricum imperatorem his verbis Abbas describit:

« Facto, inquit, universalí conventu apud urbem Vangionum, quæ nunc Vormatia di-citur, sicut longum, ita et incredibile memo-ratu est, quam prudenti, quam instanti, quamque per omnia sollicito cunctorum procerum consilio, pro pace et concordia per unam, vel amplius, hebbdomadam certa-tum sit, donec ipse in ejus manu cor regis est, omnem animositatem Augusti sub Apo-stolicæ reverentie obedientiam, causa matris Ecclesie, etiam ultra spem plurimorum, inflexit».

Fridericus I imperator, et Romani Ponti-ficis Alexandri III, hostis acerrimus, Roma-næ Ecclesie primatum et rebus et verbis confessus est. Nam cum in Italianam venisset, Adrianum IV Pontificem ita veneratus est, ut ad ejus pedes primum venerabundus ac-cederet. Deinde descendenti ex equo stape-dem teneret, ut refert Albertus Krantzius